

守華公玄振公五子字克榮生弘治戊申正月二十
七卒正德庚辰娶何氏閨安人生弘治丁未卒萬
曆癸未二月二十三合葬下角山辛向生二子天
楚天威

學曰嘗嘆世之烈婦炳丹青炙人口者類矢義殉
夫毀容絕臂足矣躬之不閱遑恤其後余族何孺
人者守華公配也公歿于商廛二幼孤訃聞孺人
誓不欲生已愕然曰夫亡與亡婦道也柰我死誰
撫二孤者若吳氏胤祀何迺紡績代食勤苦百狀

知其志有在也後長子楚復即世遺二子孺人忍
 哀鞠育以撫二孤者撫之媳戴氏感激踵節成孺
 人志噫夫貧而天子繼逝而孫侃隨殤婦節不衰
 力成三世示諸毀容絕面殞身相殉不千萬哉享
 年九十有七會元含齋曹公及都人士贈以詩文
 因顏其卷曰貞慈余表之蓋無沒孺人苦志也



齊敏公字免之玉振公長子性行仁厚與人毫無矜
競心時客維揚海島遭歲大侵捐貲煮粥濟活甚
衆已而忽然坐化是方之人懷念悲號祖送者爲
之塞路生成化壬寅六月初一日卒嘉靖甲申十
一月十七日配汪氏嘉安人生成庚子卒隆慶已
巳十月十五日合葬東林竹傍玉振公墓左生三
子瑜珵珽

齊敏公

嘉安人

墓附前玉振公圖內

寄岩公九思公長子生天順辛巳二月初十卒嘉靖
癸巳八月二十配程氏喜安人生天順辛巳卒嘉
靖巳酉七月十三生三子世祿世堂世培

寄岩公墓附前九思公圖內

喜安人墓附前華童公圖內

宣岩公九思公次子字子都生成化丙申卒嘉靖巳
酉十二月二十五娶程氏柔安人側室許氏三俱
葬尚山生二子德恭德寬

墓附前九思公圖內

紹公安振公長子字惟誠生正德丁卯五月初三卒
嘉靖巳未十一月廿八娶程氏喜安人合葬大王
于齊禮克生二子瑄瑞

戎字叁千七百十伍號

土名齊禮克

下地乙百七十叁步式分半

綱業伍十七步七分半

瑜琺珥業乙百乙十五步伍分



向坤艮

珏公

紹公
喜安人

俊安人

綱公字克立號南軒安振公仲子也生正德甲戌三月二十六日巳時歿萬曆甲戌正月初二日子時配程氏討安人合葬首源麻榨頭甲山庚向生一子琨

處士南軒公暨配程安人合葬行述

綱公字克立號南軒安振公仲子也始祖團公自石田遷居十九都臨溪雲仍繩衍稱新安海陽望族云公性直行方不肯作世俗俛仰態服賈每失利遂憤然携薄貲遨遊蜀楚期克光裕不虞終老蜀地而竟

莫之返也蜀人懷其德誼故殯厝之現痛父不歸二十餘年間跋涉盡山川未嘗一日寧處三訪尋而三不得其踪跡後至東鄉縣得其骸骨負歸公生於明正德甲戌年三月二十六日巳時歿於萬曆甲戌年正月初二日子時享年六十有一配程氏討安人慈孝性成勤儉自持生於正德乙亥年二月十四日辰時歿於萬曆巳卯年七月初七日子時享年六十有五卜於萬曆庚子年正月初四日巳時合葬於二十二都首源麻榨頭汪家後山甲庚向生一子現女一

適本里劉有學孫男三文勗文鼎文暹曾孫五可守可順可有可勝可寧敬述生歿枝系鐫石識之藏於墓首

塲字叁千陸百肆拾伍號

東至汪家墳併吳朝榮高塲

南至程家田

土名汪家後山地


西至路下田

北至汪家地

計稅貳厘伍毫

萬曆貳拾陸年買貳拾貳都陸畝吳廷憲續置壹甲程道勝戶稅貳厘

叁拾八年買到貳拾貳都貳畝汪應鳳戶汪時初稅伍毫



學曰曩余聞仁人孝子多竒行類從流離顛沛得
之何者非竒不著也竒故傳傳故嘖嘖不置口于
是而知天之作人由來難矣余族孝子諱琨者紀
其事甚竒初弱冠其父行賈四方凡所至地稍不
如意輒徙去琨念父客外荼苦心急迎養迫家貧
而母且在堂勢弗遂遠求後愈困始別母走維揚
心實爲父非爲牟利徃久之念母復歸省焉泣謂
母兒求父不獲家又貧乏柰何明年提藥囊勉為
餬口計歷荆襄抵白河號于市不輟會相視者曰

秦川中有面貌類公者盡訪之遂徒步穿險于人
跡罕到處援藤而上負灶而走志期旦暮遇父雖
虎狼遮道不恤也走歷秦關竟弗獲心益惻然又
恐外失恃內失怙如子何急歸覲母亡何母卒嗟
哉向令歸稍緩不幾抱恨終天哉幸矣猶面訣母
也襄事畢復出入東鄉得金叟訪之而父已物引
至樞所極慟幾絕環觀者如市各欲償所貸琨謂
父樞完歸足矣敢以利爲遂發父篋檢負券焚之
嗟乎金因火熾益烈孝緣窮迫益堅三往而三不
蹶弗能生遇其父而乃裹遺骸以歸天之作成孝
子事洵竒矣謹誌之以俟採風者錄焉

澄公求質長子字元靜號方山生弘治辛亥六月十
六卒嘉靖庚戌十一月十四壽六十歲娶葉氏圭
安人繼娶汪氏寶珠安人生正德戊辰正月二十
九卒萬曆甲午六月初三壽八十七合葬打石生
一子天賜

澄公

寶安人

墓附前栢安人圖內

廷旺公文濟公子字惟時生正德壬申十月三十卒
萬曆庚辰十二月初八葬長壤娶裴氏生嘉靖乙
酉卒萬曆乙巳正月初十生三子存試存計存讚

廷旺公墓附前廣童公圖內

裴氏汪安人墓附後
存試公圖內

廷玉公文淵公子字惟珍生弘治辛酉十月十六卒
嘉靖己酉三月廿七娶胡氏救安人生弘治乙丑
十月初七合葬馬汪摘弟廷旺子存試為子

廷玉公

墓附前文濟公圖內

救安人

永秀公寄寶公子字惟實生正德辛巳十一月初六
卒嘉靖癸丑八月初四娶程氏意安人生正德庚
辰九月初一卒萬曆丙戌正月十二合葬銀瓶坵
摘兄逵三子存謹為子

永秀公
意安人

墓附前齊公圖內左穴外

永逵公寄燦公次子字惟道生正德甲戌二月初二
卒萬曆戊子六月二十八娶李氏翠安人生正德
癸酉十一月卒萬曆癸未十二月十一葬古牛墩
艮山坤向生三子存諫存訪存謹

戎字壹千叁百五十三式叁號



永遠公寄燦三子字惟明號怡山生嘉靖癸未十月
三十卒萬曆庚子十二月初一娶項氏寶鑑安人
生嘉靖壬午八月十五卒萬曆庚寅九月初二合
葬銀瓶坵生一子存詔

永遠公

墓附前齊公圖內

寶安人

永松公雲公長子字惟青號養齋生嘉靖壬寅三月
初一日卒萬曆戊寅十一月二十三日葬考坑棧
嶺頭劫牛克娶戴氏生一子存恩



美字八百八十五號 山稅式厘


臨溪二十一世

宗望公字周卿號慕泉應大公長子生正德戊辰七月初十卒萬曆壬午九月初四娶程氏寶安人生正德庚午七月初十卒萬曆乙亥八月十七日合葬考坑社壇山金鈎捲簾形丑山未向生五子文林文光文選文科文會

美字貳千伍拾伍陸號

山稅柒分

土名社壇



明迪功郎慕泉吳長公暨配程孺人合葬墓誌銘

余令海陽夷考新安巨族臨溪吳氏最著吳迪功郎

慕泉公者臨溪人也予未習公然予友汪公肖屏與

公世稱莫逆時向予道其賢吳公卒汪公狀之甚詳

而走予徵誌銘余知汪公不善諛而文足信故不辭

按狀吳公諱宗望字周卿曾大父諱重興大父諱德

振父諱應大號泉湖公公生而穎敏受業于浙進士

宋公大武嘖嘖以文名群謂取青紫如拾芥無何泉

湖公捐館舍居喪如禮尋復念曰父逝矣家政任長

柰何從事咕嗶異不可必之功名乎因棄儒服賈貲
盈駸駸厚負公者累千金悉焚其券賑貧周急倒囊
毫無所靳排難解紛片言立決族黨中有弗檢者恐
恐然惟公是愬嘗旅居夜見人長丈許公端坐曰汝
來驚我得無生平有過舉耶言畢而形隨滅其剛毅
正直即妖魔畏之如此既同第紹泉公應詔補迪功
郎身雖不克以儒顯當時薦紳先生靡不願交驩所
著筆談新書使行于世未必非治平之一助者晚年
卜築考坑之濱絕口世故怡情詩歌課子若孫責其

以儒業光大延師不倦蓋所貽謀遠矣公生正德戊
辰七月初十日卒萬曆壬午九月初四日配程氏泰
塘子玉公女也幼以淑女聞父母宜之謂兒輩安得
有此比歸迪功公中葺之德難以枚數惟是閭里交
誦無間舅姑之言斯所稱女中丈夫非耶程氏生正
德庚午七月初十日卒萬曆乙亥八月十七日男五
人文林文光文選文科文會女一人孫男十人婚娶
聘字俱名族信汪公之狀則予無虛辭吳公甫實錄
矣是宜銘

墓誌
銘曰挺生斯人出類拔萃汪汪大度施仁仗義家
督是倡內則是閑若夫若婦似易實難天報善良
庇厥後昆濟濟芝蘭麟跼踳考山之源惟靈卜
遷脫遺即土于斯萬年

賜進士第南京吏科給事中前知休寧縣事德興祝
世祿撰

臨溪二十一世

宗浩公字養之又字孟卿號紹泉應大公次子生正
德癸酉正月初八日卒隆慶壬申八月初八日配
程氏福安人生正德辛未六月二十八日寅時卒
萬曆乙酉十月十二日合葬菁陽塚壬山丙向生
六子長文理公次文奎公三文章公四文元公五
文彩公六文輝公

草字陸千柒百柒十柒號

土名菁陽墩

夫上田柒百叁十捌步叁分

田稅叁畝柒分捌厘四毫

東至陸千柒百柒十陸號田

西至程世美吳子憲田

南至陸千柒百柒十捌玖號本家及孫順田

北至陸千玖百貳十號程世美吳時建田

原吳孟卿僉業上田稅壹畝八分玖厘貳毫

萬曆十叁年買本畝柒甲吳繼戶上田稅壹畝八分玖厘陸毫

萬曆十四年買汪員救戶上田稅壹分伍毫

草字陸千玖百伍號 土名墩西 今造守坟屋 上田稅貳畝叁分八厘

萬曆十四年吳存貴戶田

草字陸千陸百柒十陸號 上田稅壹畝叁分柒厘陸毫

萬曆十八年買吳世旺戶田

草字陸千七百柒十八號 上田稅壹畝壹分叁厘

草字陸千八百八十壹號 上田稅壹畝四分玖厘


萬曆十叁年叁月買吳溫戶田

草字陸千八百八十五號 上田稅壹畝壹分柒厘八毫

萬曆貳十五年買叁畝吳世禮戶丁廷賢田

草字陸千玖百貳十壹號 上田稅壹畝玖分四厘

拾八年買吳世旺戶田



迪功吳次公傳

余郡故仕國而不必素封其家故善賈而不必操廉者效丈夫故務為竒而不必軌於名實賢豪長者惡乎其軼稱之余所交邑國之士廣矣度先後所與重者毋如迪功公迪功公者海陽人也其里曰臨溪臨溪萬室之聚多鉅姓唐宋以來吳氏世居之其家曰蓀祈望於臨溪世素封業其曾大父曰重興大父曰德依世隱德其父泉湖公應大娶於畢舉丈夫子二人迪功公其次也是為正德癸酉正月八日次公諱

宗浩字養之以字行市別字孟卿居常念其父泉湖
公不少置別號紹泉次公生而慧童髻如老成人事
父母務盡歡少授業於浙臬使宋公大武講業誦通
宋公遜席謝小友畜之泉湖公藉先世饒箋箋持織
儉族人易與之次公共長公軒軒務豪舉夫已氏睚
眦以嘗次公屬紀綱僕訟之郡愾而謝間郡守好抑
巨室媚窮閭爲名高摭誣繪圖蜚語中次公公侃
侃對簿等民耳安在其長小者囂裁大者屈不問衷
辟乎郡守瞿然旨其言問如律是時甫弱冠而會泉

湖公卒乃棄舉子業而業賈發故筴諸賈人負泉湖
公者千金有奇悉取焚之置不問諸賈人皈心次公
甚爭效息之矣屬有賈解後次公躬如京師遇舊師
宋公昆弟子姓赴南宮試次公優給焉放榜先一日
爲治酒候捷成進士者三人矢厚報毋相忘後仕致
通顯屢招次公不一赴乃次公趣都會而賈荆楚間
業大起壽國王雅聞次公名召見便殿握手如平生
歡尋爲入粟助邊拜迪功郎時時呼先生不名寵禮
絕群臣也次公時習詩律手錄數十卷臨摹趙吳興

法書大有致吳興人許科昵就次公夜夜秉燭試墨
濬盈斗嘗騎而笑監司前呵監司啣之已覩次公屏
障間字乃詣次公謝恨定交晚也及壽國除例得外
補次公不就也吾何辜先王知己恩而逐逐貴人後
乎遂謝去而治鹽筴維揚群諸陽翟輦聯車騎飾冠
劍擁佳麗富貴容翩翩未已也每霑醉作洛生咏逸
態橫生一時祭酒擁以爲重監監使者至每每從次
公定約法次公條例事宜井井不紊使者屢嘉賞之
監權故用石善泐病下商次公倡議易以銅上商病

之持不下使者卒從次公議是舉也內重費而外賈
怨次公獨勞絕口不言功諸德次公者幾薄南北省
會或醖酒或分設獻幣帛徵歌伎優伶作劇累月不
休一日几筵以數十鼓吹迎導擁塞街衢牧伯申公
問知爲次公故引輿避之倭虜犯維揚逼真州次公
爲令尹師公筴䟽開河增月城則謂田單師走卒而
完齊邑關壯謬爲明公鄉人獨不可藉盼嚮乎師公
是之屬次公公舉城河工而尸祝武安祠下壯謬現
靈倭尋遁去師公與次公交相酌也其後師公被中

貴逮次公赴其難索饋道路時論高焉次公器宇沉
疑豁達多大成談吐豪爽嫻雅令儀能額瞬目語願
指諸徂僮望見次公毋敢禁褻言人以質成緩急至
輒出刀布居間多寡應之亡以亡解賓客卒臨宴會
咄嗟辦即寒素士無減貴顯時而勞傭保工作亦往
徃溢望外也至其好事憐才自天性歲時里中縫掖
數數高會王山人寅許禮部穀蘄陽周氏願氏及余
廣陵侯氏皆締莫逆交恭事次公出入追逐不相舍
朝夕會饌值客邸命酌擊鮮徵歌不輟習以爲常分

財產以斬西質肆次公終世不自名也次公即豪華
乎而亦不勝約素玩好靡凋鏤相襲靡綺紈饗殮靡
刑牲馳驟靡狗馬生平箋箋不妄名一錢也至其御
臧獲從事以嚴見憚有犯輒跽於庭奮白挺數之若
曹不識四維爲何物毋輕縱罹重害也即御諸子業
儒業晝有課日有程月小試而暮大試分殿取賞罰
如行部法諸子凜凜奉教惟謹莊侍配程孺人如賓
庶姬久有寵者一失次公意痛繩之久之再三請謝
始爲霽家人有嚴君焉庶幾近之矣次公卒於隆慶

壬申享年六十次公踰艾而築書舍治園圃爲終老
計卒之日尚存二三知己飲圃中瞪目悲歎爽然自
得人言次公學未竟儒而試於仕仕未登膺而托於
賈賈未屬厭而令於終乃其表正類王烈急公類弦
高積著類陶朱節俠類巨卿方正孝友類君陳知言
矣丈夫子六人文理文奎文章文元俱太學生文彩
文輝孫十人婚配皆名家不具載

盛子曰迪功公諸孫子皆從余遊而文奎能文章蚤
述次公事行而屬程辰州狀之多長者事十得五六

垂三十年而始奉次公印土復搜次公逸事而屬余
補傳之多賢豪事十得其八九也賢豪長者不可得
而分合之而十全乎哉有所試其長非苟然而已者
余不必之邑國而必之次公於戲次公足矣

萬曆癸卯歲嘉平月吉旦

賜進士第亞中大夫山西承宣布政司叅政

通家鄉侍生盛稔頓首拜撰

吳母程孺人傳

天之將佑而之也必有女德以為之胚胎故徵其後者類徵其身而得之予惟自崑崙而下派分神州星海其源也練溪之游見迪功君家子姓繩繩未艾已心券之及屈指孺人事瞿然曰此古所謂不悖女德者也蓋吳氏星海哉乃紀其顛末而列之傳

孺人少失怙慧自天性師心剪綵出人意外且肅儀容家人不時得一嘖笑也已婦迪功公迪功公蓋莊臨之舅姑宜焉時諸吳鼎盛齋用日靡殫皂綿

泉孺一持儉如曩時或里媪有貸請者即應聲唯唯不以儉故儉鄰里也迪功公走吳楚間筦鑰推孺人孺人持家秉盈縮亡不中者迪功公個儻好賓客孺人為佐漿酒醅脯之後顧指立辨迪功公可否事畫腹猶豫間孺人為決便宜一二語事後當成敗亡不如此孺人指也孺人既舉伯子孺人如不勝慮卑其後為公進李氏姬已又進謝氏姬已又于真州為從史納馮氏姬以安公子客邸三姬遞舉孺人遞子之不啻若伯子也迪功公踰耆而卒孺人猶時時飲泣

一切金玉紈綺屏曲御日與諸姬辟纊饗餼雜沓相
勞毋與外事聽詣了脩業而息之孺人素自健無疾
疾作遂不起革時縷縷條諸子不爽平日噫嘻由子
而孫曾玄蓋未艾也螽斯振振慰孺人初願哉

贊曰予咏周南而知門內之化也葛藟儉蘋繁共
關雎不淫芣苢和平風斯上矣小星有逮下之惠
江沱有不怨之衷則亦庶幾和哉然而逮下者猶
稱宵征不怨者猶稱後悔觀今孺人事垂垂膠木
之風融和而不自知即詩雅所稱曷加焉全故曰

此古所謂不悖女德者也亶吳氏星海哉

萬曆丙午孟夏吉旦

鄉進士文林郎知江油縣事通家侍教生張日新頓
首拜撰

宗亮公應昌公長子字汝明生正德戊辰十二月初
一卒隆慶壬申七月初七娶程氏壽徵安人生正
德癸酉四月廿八卒隆慶戊辰二月廿合葬下塢
山生二子次修又茂


墓附前應昌公圖內

嘉譜
宗榮公應昌公次子字汝仁號茶亭生正德壬申五
月十八卒嘉靖乙未八月初三娶汪氏莊安人生
正德甲戌正月廿八卒嘉靖辛酉五月廿八生一
子文運

墓附前應昌公圖內

岩洪公字惟漢號東塘應盛公子生正德丙寅六月
十七卒萬曆壬午十月初五娶汪氏愛真安人生
正德癸亥卒嘉靖乙巳二月十三附葬回塌頭生
四子文讓文謨文談文誥

岩寶公字惟善號東丘應顯公子生弘治丙辰九月
二十五日卒嘉靖壬戌正月初十葬王家塢庚向
娶畢氏錦繡安人側室王氏諱四淑人生嘉靖庚
辰九月十五卒嘉靖甲子六月十二葬派蓮塘亥
向生二子子溫子良



戎字八千五十等號
戎字八千五十四號

土名派蓮塘

園式坵

山稅壹分叁厘
地稅貳分叁厘

萬曆貳十玖年各契四只本都叁畝程汝新程伯貽程一陽等
萬曆叁十年四只式十都叁畝程璇程璣山稅貳厘

以上溫良業

道宏公應尚公子字汝容號北山生嘉靖癸未六月初一卒嘉靖庚申四月初三娶程氏時安人生嘉靖癸未八月廿八卒萬曆壬午十二月十一合葬大來山生二子文朗文健

墓附後文章公圖內

道寵公應萬公長子字汝賢號斗石生嘉靖庚寅二月初八日卒萬曆乙酉四月二十五日娶程氏德安人生嘉靖丁亥卒嘉靖壬子六月初八日生一子文收繼娶程氏細弟安人生嘉靖丁亥七月初七日卒萬曆丁亥二月初七日葬古塘中枝丁山癸向生二子文教文啓

道寵公墓附前華童公圖內

戎字壹千陸百四拾壹號

土名古朱塘

又同號中枝風水

山稅壹畝壹分八厘伍毫
山稅壹分

萬曆叁拾年買本都吳心海名下山

又同字號中枝風水

山稅叁厘

叁拾貳年買本面吳霞塢名下山

又同字號

又同號中枝風水

山稅叁分四厘伍毫
山稅壹厘

叁拾伍年買本面霞塢名下山

又同號中枝風水

山稅陸厘

叁拾柒年買本面吳致吾名下山

戎字壹千伍百柒拾叁號

壹千伍百柒拾四號

壹千伍百柒拾伍號


壹千伍百柒拾玖號

壹千伍百玖拾叁號

共稅叁畝陸分伍厘

叁拾柒年買本面吳伯奇兄弟名下田

以上吳文教業



中枝風水山吳文教業


瑜公敏公長子字子美號愛泉生正德戊辰正月十
 四卒嘉靖十戌一月十六娶程氏大安人生正德
 丙寅九月廿三合葬下角山生一子文時

墓附前守華公圖內

天威公守華公次子字武卿號慕齋生正德丁丑又
 十二月十七卒萬曆癸卯九月初六娶何氏葬山
 後生四子文仕文俊文俊文佩

草字六千五百六十七
 內文爵買式分七厘
 僉業天威柒分乙厘六
 天倫乙分
 文佳五厘
 文伯叁厘四毫
 文億五厘
 文仲五厘
 主名下楓亭

北至吳孟卿 廷魁山分水界



南至吳繼善地

東至降

西至田

天倫公守政公子字于明號近泉生正德庚辰卒萬曆
娶戴氏容珠安人生嘉靖壬午卒隆慶戊辰八月廿二合葬西凸生六子文俸文侑文偉文傑文但文价

墓附後天濟公圖內

天喜公字惟中守道公子生弘治己酉三月二十日卒嘉靖癸卯二月十二日年五十五娶程氏倪安人生弘治庚戌六月二十四日卒嘉靖丙寅九月初三日年七十七與守道公同日葬方山嶺左穴寅山申向孺人後附生二子文佳文億

戎字陸千叁百肆拾玖號

土名方山料

計地壹百玖拾貳步貳分八厘

東至陸千叁百四拾八號吳時震寺地砌石界

西至陸千叁百伍拾號自田

南至陸千天伍拾四號葉家衆墳

北至陸千四拾壹號自地

文佳僉業玖拾陸步貳分四厘

文億僉業玖拾陸步貳分四厘



天濟公號東林守富公長子生弘治甲子四月初三日卒隆慶辛未十二月十五日娶程氏鳳安人生正德庚午九月二十五日卒嘉靖甲子十一月十五日合葬于西壘佛濟殿傍毋添安人坤山艮向生子文伯

戎字八千壹百柒號八千乙百十號八千壹百十壹號 山田稅陸分

東至山脚田

西至山降尖

南至八千壹百十式號山

北至八千九十叁號田


吳伯僉業壹分式厘

吳威仲業六厘

吳倫僉業壹厘

吳佳億業六厘

程汝生業五分



天倫
添安
鳳安
天齊
家珠安

